

# ASOCIACION STIMARUBA CU DIRECTIVA NOBO

ORANJESTAD(AAN) -- Durante nan reunion general den Cas di Cultura, asociacion Stimaruba a eligi su directiva nobo.

E relato financiero di tesorero Henk Weustink a keda comproba. E directiva nobo ta consisti di: Presidente

Rogelio Croes, vice presidente Olinda van der Linden-Rasmijn, secretario Ady Rasmijn, tesorero Rouel Meelis.

E miembronan a desea e directiva nobo hopi exito den nan trabao pa bienestar ecologico di e pais.

Ta asina cu tur luna lo sali un "newsletter" ta tin contacto mas estrecho cu e miembronan. Alavez nan tin oportunidad pa trece ideanan of algo cu ta pasa ecologicamente riba nos isla, of cu tin haber cu naturalesa.

Cuater vez pa aña ta sali un revista riba cierto tema. Tabatin 3 revista den 1992. E promer revista tabata mas un

introduccion di e asociacion, y tocante algun mata.

E di dos revista a bay en extenso riba nos colebra "cascabel" cu ta den peliger di worde extermina.

Di tres a bay riba Bubali Plas cu te awor aki no tin un maneho fiho.

E siguiente revista pa luna di Maart, ta bay riba e caynan (rifnan) cu ta rondona nos

isla. Esnan cu ta interesa pa bira miembro por tuma contacto cu A. Rasmijn telefoon 41792 despues di trabao.

Stimaruba kier gradici tur esnan cu a pone nan firma bao di e peticion di "Conseho di alumnonan di Colegio Arubano", ademas e asociacion ta gradici e alumnonan mes cu a coopera.